



Aningaasaqarnermut Nunamullu Namminermut
Naalakkersuisoq

Ulloq: 24-06-2021
J.nr.: 01.31.06/21 - 00936

Aningaasaqarnermut Akileraartarnermullu Ataatsimiititaliap pingasunngornermi ulloq 23. juni 2021-mi aalajangenera pillugu Naalakkersuisunut ilisimatitsissut

Tasiilami qulimiguulinnut nutaamik hangariliornissamut aningaasanik atugassanngortitsineq – Suliaq nr. 01.31.06/21-00936

”Naalakkersuisut inassutigaat,

- Konto pingaarnerup 87.73.22 Mittarfeqarfiit – mittarfiit ataanni suliaq nutaaq nr. 180.25.214 Tasiilami hangari, 2021-mi 29,3 mio. koruuninik aningaasartalerlugu pilersinneqassasoq kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi, Tasiilami mittarfik pillugu suliaq nr. 180.25.194-imi aningaasaliissutit 2021-mi 1,5 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi , Ittoqqortoormiini mittarfik pillugu suliaq nr. 190.25.195-imi aningaasaliissutit 2021-mi 1,5 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi , Qeqertarsuarimi mittarfik pillugu suliaq nr. 140.25.196-imi aningaasaliissutit 2021-mi 1,0 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi, Kangaatsiami mittarfik pillugu suliaq nr. 090.25.197-imi aningaasaliissutit 2021-mi 1,5 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi, Qasiqannguani mittarfik pillugu suliaq nr. 110.25.198-imi aningaasaliissutit 2021-mi 1,5 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaanerannik annertusaanermi, Narsami mittarfik pillugu suliaq nr. 030.25.199-imi aningaasaliissutit 2021-mi 1,0 mio. koruuninik appartinneqassasut kiisalu

- Konto pingaarnermi 87.73.20 Mittarfiit aaqqissuussaananerannik annertusaanermi, Nanortalimmi mittarfik pillugu suliaq nr. 010.25.200-imi aningaasaliissutit 2021-mi 1,0 mio. koruuninik appartinneqassasut kiisalu
- Konto pingaarnermi 87.73.20 Mittarfiit aaqqissuussaananerannik annertusaanermi, Uummannami mittarfik pillugu suliaq nr. 150.25.204-imi aningaasaliissutit 2021-mi 1,0 mio. koruuninik appartinneqassasut kiisalu
- Konto pingaarnermi 87.11.09 Assartuussineq pillugu Isumalioqatigiissitaq, Assartuussineq pillugu Isumalioqatigiissitaq - misissueqqaarnerit pillugit suliaq nr. 996.23.004-imi aningaasaliissutit 2021-mi 16,0 mio. koruuninik appartinneqassasut kiisalu
- Konto pingaarnermi 80.00.01 Nuussinissanut sillimmatini aningaasaliissutit 2021-mi 3,3 mio. koruuninik appartinneqassasut.”

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliamit maluginiarneqarpoq Naalakkersuisut Tasiilami sanaartorsinnaanermut piffissaq sivikitsaq kiisalu illoqarfimmut umiarsuit tikittarnerisa amerlassusaat taakkunungalugu piffissaritit at inneruussutigalugit, tamannalu tunngavigalugu sanaartornermut atortussanik piniarnissaq maskiinanillu ator neqartussanik assartuinissaq sapinngisamik piaarnerpaamik aallartinneqarmata, suliap nukingiullugu suliarineqarnissaa qinnutigigaat. Sanaartornermulli piffissaliussassatut killiliussanik qinnuteqaammi allassimasoqanngilaq.

1. Tassunga atatillugu Tasiilami suliniummik sanaartornermut piffissaliussatut killiliussat ataatsimiititaliamit paasiumaneqarput, matumani aamma sanaartorneq pillugu isumaqatigiissusiornermut, sanaartornerup aallarnisarneqarnissaanut sanaartukkallu atulernissaanut ulluliussat erseqqinnerusut.
2. Taamatuttaaq ataatsimiititaliamit paasiumaneqarpoq sooq suliaq qinnuteqaatitut nukingiussatut nassiunnagu siusinnerusukkulli ataatsimiititaliamut suliassanngorlugu nassiunneqarsinnaasimanngitsoq. Matumani ataatsimiititaliamit inneruussutigineqassaaq suliamik saqqummiussissummi ersimmat Tasiilami qulimiguulinnut hangariliassap pilersaarusiorneqarnissaanut aningaasanik atugassanngortitsinissamik suliaq nr. 01.31.06/20-00881 Aningaasaqarnermut Ataatsimiititaliamit ulloq 27. maj 2020-mi akuersissutigineqarsimasoq.

Aammattaaq ataatsimiititaliaq isumaqarpoq sanaartornermik suliniutit qulimiguulinnik eqqussisarfimmik nutaamik sanaartornermut aningaasanik aallerfiuniartutut taaneqartut pingaaruteqartuusut. Tamanna Kalaallit Nunaanni inuiaqatigiinnik tamanik naammaginartumik angallassinikkut kiffartuussinissaq eqqarsaatigalugu. Taamaammat kontuni sunnerneqartuni suliniutit Naalakkersuisunit aningaasanut inatsisissatigut aggersutigut suli eqqumaffigineqarnissaat ataatsimiititaliamit soqutigineqarpoq.

3. Tassunga atatillugu ataatsimiititaliamit paasiumaneqarpoq suliniutit taaneqartut 2022-mut aningaasanut inatsisissatut siunnersuummut ilaatinneqarnissaat Naalakkersuisunit siunertarineqarnersoq?

Aningaasaqarnermut Ataatsimiititaliaq ujaasisarnermik annaassiniaasarnermillu kiffartuussinissaq (SAR) pillugu Forsvarsministeriets Materiel- og Indkøbsstyrelsianut Air Greenland A/S-imullu november 2020-mi isumaqatigiissuteqartoqarnerata kingorna suliassaqarfimmut tassunga tunngatillugu ilassutitut aningaasaliissutissanut qinnuteqaatinik tigusaqartarpoq. Matumani suliaq nr. 927 (qinersineq pissutigalugu naammassineqanngitsoq) kiisalu suliaq manna (ujaasisarnermut annaassiniaasarnermillu upalungaarsimanermik tunngavilersorneqartoq) ataatsimiititaliamit innersuussutigineqassapput. Suliat taakku marluk tamarmik qinnuteqaatitut nukingiussatut nassiunneqarnikuupput.

4. Taamaammat ataatsimiititaliamit appeqqutigiumaneqarpoq, ujaasisarnermik annaassiniaasarnermillu upalungaarsimanermut tunngatillugu ilassutitut aningaasaliissutissanut qinnuteqaatinik allanik 2021-mi nassiussaqaqqinnissamik Naalakkersuisut isumaliuteqarnersut?

Qulaani apeqqutit akineqariarpata ataatsimiititaliap suliamik suliarinninnini nangissavaa.

Aningaasaqarnermut Ataatsimiititaliap aalajangiinera

Aningaasaqarnermut Akileraartarnermullu Ataatsimiititaliap siuliani allassimaneratut oqaaseqaateqarluni apeqquteqarlunilu Naalakkersuisunit inassuteqaatit pillugit aalajangiinissani **kinguartippaa.**

Ataatsimiititaliaq sinnerlugu



Paneeraq Olsen

Aningaasaqarnermut Akileraartarnermullu Ataatsimiititaliami Siulittaasoq